

De kruutdampen bint op-etrökken

As de kruutdampen van 't vuurwäerk bint op-etrokken en der stiet inies een ander jöörtal op de kelender dan ma-j der van uut gaon dät 't ien januaerie is en wi'j weer drieonderdachtenveftig dagen mutten wachen op de volgende kerstdagen.

Een eel jöör . . . wat lèk dät altied een ende weg a-j veuruut kieken, maer achterumme kiekend weet ie aoste niet meer te benumen wat a-j 't aof-elopen jöör ebben edaon, zo alderbärstens gauw is die veurbi'j egaon. En dät 't verdomde snel kan gaon is wel weer ies ebleken, want vandage, twie januaeri, breng ik alweer een leste groet an een kennis die nao 't vieren van de Kerstdagen met de kinder en kleinkinder op 27 december zomaer de geest ef egöven.

Dan wöör ie wel weer is ärd confronteert met de vergangkelijheid.

Iets anders dan oew deennèmmingen betugen aan de naobestaonden ku-j niet. Gevuulsmatig weet ie dät disse mensen niet 't idee ebben van een gelukkig ni'j jöör.

Die twiestrijd, wöör iederiene wel is met te maken krig, doen oe beseffen dät 't gèven van de beste wensen veur 't ni'je jöör an alle personen uut oew umgèving niet zomaer een paer lösse weurties kunnen wèèn.

Laot 't jullie allemaole goedgaon en geniet, wöör dät meugelijk is, van oew lèven . . . ie ebt ter maer iene !

Met al 't goede wat mogelijk is gèèf ik jullie toch **de beste wensen veur 't ni'je jöör - 2015.**

Willem W.